



按景公獵休  
坐地而食晏  
子後至感發  
而席對曰介  
曾坐陣不席  
微諫不席尸  
坐堂上不席  
三者皆憂也  
不敢以憂侍  
坐及於莊公  
不悅時遂起  
北面坐地可

晏子春秋卷五

襍上

晏子臣於莊公公不悅飲酒令召晏子晏子至

入門公令樂人奏歌曰已哉已哉寡人不能

說也爾何來為晏子入坐樂人三奏然後知

其謂已也遂起北面坐地公曰夫子從席曷

為坐地晏子對曰嬰聞訟夫坐地今嬰將與

君訟敢毋坐地乎嬰聞之眾而無義彊而無

為引分可為  
見幾者矣

禮好勇而惡賢者禍必及其身若公者之謂  
矣且嬰言不用願請身去遂趨而歸管籥其  
家者納之公財在外者斥之市○引○市○證○尤○見○公○論曰君子有力  
於民則進爵祿不辭貴富無力于民而旅食  
不惡貧賤遂徒行而東畊於海濱居數年果  
有崔杼之難

晏子為莊公臣言大用每朝賜爵益邑俄而不  
用每朝致邑與爵爵邑盡退朝而乘噴然而

○章○證○

歎終而笑其僕曰何歎笑相從數也晏子曰  
吾歎也哀吾君不免於難吾笑也喜吾自得  
也○伏○凌○案○吾亦無歎矣崔杼果弑莊公晏子立崔杼

之門從者曰歎乎晏子曰獨吾君也乎哉吾  
歎也曰行乎曰獨吾罪也乎哉吾亡也曰歸  
乎曰吾君歎安歸君民者正論豈以陵民社稷是  
主臣君者豈為其口實社稷是養故君為社  
稷歎則歎之為社稷亡則亡之若君為已歎

詳  
禮左史更

而爲已亡。非其私暱。孰能任之。且人有君而  
弑之。吾焉得死之。而焉得亡之。將庸何歸。門  
啟而入。崔子曰。子何不死。子何不死。晏子曰。  
禍始吾不在也。禍終吾不知也。吾何爲死。且  
吾聞之。以亡爲行者。不足以存君。以死爲義  
者。不足以立功。嬰豈其婢子也哉。其縊而從  
之也。遂袒免坐。枕君尸而哭。興三踊而出。人  
謂崔子必殺之。崔子曰。民之望也。舍之得民。

○應○無○死○

叙得威武  
以見其不  
屈

崔杼旣弑莊公而立景公。杼與慶封相之。劫諸  
將軍大夫及顯士庶人於太宮之坎上。令無  
得不盟者。爲壇三仞。墁其下。以甲千列環其  
內外。盟者皆脫劍而入。維晏子不肯。崔杼許  
之。有敢不盟者。戟拘其頸。劍承其心。令自盟。  
曰。不與崔慶而與公室者。受其不祥。言不疾。  
指不至。血者死。所殺七人次及晏子。晏子奉  
楛血。仰天嘆曰。嗚呼。崔子爲無道而弑其君。

齊太史書曰  
崔杼弑莊公  
崔杼殺之其  
弟復書崔杼  
復殺之少弟  
復書崔杼乃  
舍之當日不  
與盟者不獨  
一平仲

不與公室而與崔慶者。受此不祥。俛而飲血。  
崔杼謂晏子曰。子變子言。則齊國吾與子共  
之子。不變子言。戟既在脰。劍既在心。維子圖  
之也。晏子曰。劫吾以刃。而失其志。非勇也。回  
吾以利。而倍其君。非義也。崔子子獨不爲天  
討乎。詩云。莫莫葛藟。施於條枚。愷悌君子。求  
福不回。今嬰且可以回。而求福乎。曲刃鉤之。  
直兵推之。嬰不革矣。崔杼將殺之。或曰。不可。

子以子之君無道而殺之。今其臣有道之士  
也。又從而殺之。不可以爲教矣。崔子遂舍之。  
晏子曰。若大夫爲大不仁。而爲小仁焉。有中  
乎。趨出。授綏而乘。其僕將馳。晏子撫其手曰。  
徐之。疾不必生。徐不必死。鹿生於野。命縣于  
厨。嬰命有繫矣。按之成節。而後去。詩云。彼已  
之子。舍命不渝。晏子之謂也。

景公使晏子爲東阿宰。三年。毀聞於國。景公不

說。召而免之。晏子對曰。嬰知嬰之過矣。請復治阿。三年而譽聞於國。景公不恐。復使治阿。三年而譽聞於國。景公說。召而賞之。景公問其故。對曰。昔者嬰之治阿也。築蹊徑。急門閭之政。而淫民惡之。舉儉力。孝弟。罰偷窳。而惰民惡之。決獄不避。貴強惡之。左右所求。法則予。非法則否。而左右惡之。事貴人體不過禮。而貴人惡之。是以三邪毀乎外。二讒毀于

毀之由

內。三年而毀聞乎君也。今臣謹更之。不築蹊徑。而緩門閭之政。而淫民說。不舉儉力。孝弟。不罰偷窳。而惰民說。決獄阿貴強。而貴強說。左右所求。言諾。而左右說。事貴人體過禮。而貴人說。是三邪譽乎外。二讒譽乎內。三年而譽聞于君也。昔者嬰之所以當誅者。宜賞。今所以當賞者。宜誅。是故不敢受。景公知晏子賢。廼任以國政。三年而齊大興。

譽之由

晏子治東阿三年景公召而數之曰吾以子爲可而使子治東阿今子治而亂子退而自察也寡人將加大誅於子晏子對曰臣請改道易行而治東阿三年不治臣請死之景公許於是明年上計景公迎而賀之曰甚善矣子之治東阿也晏子對曰前臣之治東阿也屬託不行貨賂不至陂池之魚以利貧民當此之時民無飢君反以罪臣今臣後之東阿也屬託行貨賂至并重賦歛倉庫少內便事左右陂池之魚入于權宗當此之昔飢者過半矣君廼反迎而賀臣愚不能復治東阿願乞骸骨避賢者之路再拜便僻景公廼下席而謝之曰子彊復治東阿東阿者子之東阿也寡人無復與焉

景公與晏子立于曲潢之上晏子稱曰衣莫若

新人莫若故公曰衣之新也信善矣人之故相知情晏子歸負載使人辭于公曰嬰故老耄無能也請毋服壯者之事公自治國身弱於高國百姓大亂公恐復召晏子諸侯忌其威而高國服其政田疇墾辟蠶桑黍收之處不足絲蠶於燕牧馬于魯共貢入朝墨子聞之曰晏子知道景公知寤矣

晏子相景公其論人也見賢而進之不同君所欲見不善則廢之不辟君所愛行已而無

私直言而無諱。有納書者曰：廢置不周於君，前謂之專；出言不諱於君，前謂之易。專易之行存，則君臣之道廢矣。吾不知晏子之為忠臣也。公以為然。晏子入朝，公色不悅。故晏子歸備載，使人辭曰：嬰故老悖無能，毋敢服壯者事。辭而不為，臣退而窮處。東畔海濱，堂下生藜藿，門外生荆棘。七年燕魯分爭，百姓昏亂，而家無積。公自治國，權輕諸侯，身弱高國。公恐，復召晏子。晏子至，公一歸七年之祿，而家無藏。晏子立，諸侯忌其威，高國服其政。燕魯貢職，小國皆朝。晏子沒而後衰。

景公之時饑，晏子請為民發粟。公不許。當為路寢之臺，晏子令吏重其賃，遠其兆，徐其日，而

發粟不許乃為之借惠於為臺救其奇策此其一班可謂善以將順善以惠民

不趨。三年，臺成而民振。故上悅乎游，民足乎食。君子曰：政則晏子欲發粟與民而已。若使不可得，則依物而偶於政。

景公登東門防，民單服。然後上，公曰：此大傷牛馬蹄矣。夫何不下六尺哉？晏子對曰：昔者吾先君桓公，明君也。而管仲賢相也。夫以賢相佐明君，而東門防全也。古者不為，殆有為也。蚤歲溜水，至入廣門，即下六尺耳。鄉者防下

引証處即定規誠



仁民

六尺則無齊矣。夫古之重變古常，此之謂也。景公遊於壽宮，睹長年負薪者而有饑色，公悲之，喟然歎曰：令吏養之。晏子曰：臣聞之，樂賢而哀不肖，守國之本也。今君愛老而恩無所不逮，治國之本也。公笑有喜色。晏子曰：聖王見賢以樂賢，見不肖以哀不肖。今請求老弱之不養，鰥寡之無室者，論而共秩焉。公曰：諾。于是老弱有養，鰥寡有室。

愛物

呂數語演  
美如画

景公探雀穀，穀弱反之。晏子聞之，不待時而入。見景公，公汗出惕然。晏子曰：君何為者也？公曰：吾探雀穀，穀弱故反之。晏子逡巡北面再拜而賀曰：吾君有聖王之道矣。公曰：寡人探雀穀，穀弱故反之，其當聖王之道者何也？晏子對曰：君探雀穀，穀弱反之，是長幼也。吾君仁愛曾禽獸之加焉，而况于人乎？此聖王之道也。

一語三述  
不厭其複

景公睹嬰兒有乞於塗者公曰是無歸夫晏子對曰君存何為無歸使吏養之可立而以聞

景公正晝被髮乘六馬御婦人以出正閨則跪

擊其馬而反之曰爾非吾君也公慙而不朝

晏子睹裔欵而問曰君何故不朝對曰昔者

君正晝被髮乘六馬御婦人以出正閨則跪

擊其馬而反之曰爾非吾君也公慙而出反

不果是以不朝晏子入見景公曰昔者寡人

因以之慙  
而進之正

道非獨為

則跪解釋

已也

有罪被髮乘六馬以出正閨則跪擊馬而反之曰爾非吾君也寡人以天子大夫之賜得率百姓以守宗廟今見戮於則跪以辱社稷吾猶可以齊于諸侯乎晏子對曰君勿惡焉臣聞下無直辭上有隱君民多諱言君有驕行古者明君在上下多直辭君上好善民無諱言今君有失行則跪直辭禁之是君之福也故臣來慶請賞之以明君之好善禮之以

明君之受諫。公笑曰。可乎。晏子曰。可於是。則跪倍資。無征。時朝無事也。

景公飲酒。夜移于晏子。前駟欵門曰。君至。晏子被玄端。立于門曰。諸侯得微有故乎。國家得微有事乎。君何爲非時而夜辱。公曰。酒醴之味。金石之聲。願與夫子樂之。晏子對曰。夫布薦席。陳簋簋者。有人。臣不敢與焉。公曰。移于司馬穰苴之家。前驅欵門曰。君至。穰苴介冑。

由臣

諫臣

善柔

操戟立于門曰。諸侯得微有兵乎。大臣得微有叛者乎。君何爲非時而夜辱。公曰。酒醴之味。金石之聲。願與將軍樂之。穰苴對曰。夫布薦席。陳簋簋者。有人。臣不敢與焉。公曰。移於梁丘據之家。前驅欵門曰。君至。梁丘據左操瑟。右挈箏。行歌而出。公曰。樂哉。今夕吾飲也。微彼二子者。何以治吾國。微此一臣者。何以樂吾身。君子曰。聖賢之君。皆有益友。無偷樂。

○摠○出○三○入○定○案○

唯景公不知  
重晏子故晏  
子西有以目  
重可為後世  
重臣待驕主  
之法

之。臣。景公弗能及。故兩用之。僅得不亡。

晏子侍于景公朝寒。公曰。請進暖食。晏子對曰。  
嬰。非。君。奉。餽。之。臣。也。敢。辭。公。曰。請。進。服。裘。對。  
曰。嬰。非。君。茵。席。之。臣。也。敢。辭。公。曰。然。夫。子。之。  
於。寡。人。何。為。者。也。對。曰。嬰。社。稷。之。臣。也。公。曰。  
何。謂。社。稷。之。臣。對。曰。夫。社。稷。之。臣。能。立。社。稷。  
別。上。下。之。義。使。當。其。理。制。百。官。之。序。使。得。其。  
宜。作。為。辭。令。可。分。布。于。四。方。自。是。之。後。君。不。

以禮不見晏子。

晏子飲景公酒。令器必新。家老曰。財不足。請斂。  
于。氓。晏。子。曰。止。夫。樂。者。上。下。同。之。故。天。子。與。  
天。下。諸。侯。與。境。內。大。夫。以。下。各。與。其。僚。無。有。  
獨。樂。今。上。樂。其。樂。下。傷。其。費。是。獨。樂。音。也。不。  
可。

勝○字

晏子飲景公酒。日暮。公呼具火。晏子辭曰。詩云。  
側。弁。之。俄。言。失。德。也。屢。舞。僬。僬。言。失。容。也。既。

醉以酒既飽以德既醉而出並受其福賓主之禮也醉而不出是謂伐德賓之罪也嬰已卜其日未卜其夜公曰善舉酒祭之再拜而出曰豈過我哉吾託國于晏子也以其家貨養寡人。不欲淫侈也。而況與寡人謀國乎。

其辭嚴其義正先教

晉平公欲伐齊使范昭往觀焉景公觴之飲酒酣范昭曰請君之棄罇公曰酌寡人之罇進之於客范昭已飲晏子曰徹罇更之罇解具

已足以禡人之魄

矣。范昭佯醉不悅而起舞謂太師曰能為我調成周之樂乎吾為子舞之。太師曰冥臣不習。范昭趨而出。景公謂晏子曰晉大國也使。人來將觀吾政。今子怒大國之使者將奈何。晏子曰夫范昭之為人也。非陋而不知禮也。且欲試吾君臣故絕之也。景公謂太師曰子何以不為客調成周之樂乎。太師對曰夫成周之樂天子之樂也。調之必人主舞之。今范

昭人臣。欲舞天子之樂。臣故不爲也。范昭歸以報平公曰。齊未可伐也。臣欲弑其君。而晏子識之。臣欲犯其禮。而太師知之。仲尼聞曰。夫不出於尊俎之間。而知千里之外。其晏子之謂也。可謂折衝矣。而太師其與焉。

景公伐魯。傅許得東門無澤。公問焉。魯之年穀何如。對陰水厥陽。水厚五寸。不知以告晏子。晏子對曰。君子也。問年穀而對以水禮也。陰

無傳一對  
機手仲不  
此 然 理 至

水厥陽。水厚五寸者。寒温節節。則刑政平平。則上下和。和則年穀熟。年充衆和而伐之。臣恐罷民弊兵。不成君之意。請禮魯以息吾怨。遣其執以明吾德。公曰善。迺不伐魯。

景公予魯君地。山陰數百社。使晏子致之。魯使子叔昭伯受地。不盡受也。晏子曰。寡君獻地。忠廉也。曷爲不盡受。子叔昭伯曰。臣受命於君。曰諸侯相見交讓。爭處其卑。禮之文也。交

交鄰之道  
委多受少  
盡之矣夫  
六禮教信  
義之餘風  
耶

委多。爭受少。行之實也。禮成文于前。行成章於後。交之所以長久也。且吾聞君子不盡人之歡。不竭人之忠。吾是以不盡受也。晏子歸報公。公喜笑曰。魯君猶若是乎。晏子曰。臣聞大國貪于名。小國貪于實。此諸侯之公患也。○雅○字今魯處卑而不貪乎尊。辭實而不貪乎多。行廉不為苟得。道義不為苟合。不盡人之歡。不竭人之忠。以全其交。君之道義。殊于世俗。國

免于公患。公曰。寡人說魯君。故予之地。今行果若此。吾將使人賀之。晏子曰。不。君以驩予之地。而賀其辭。則交不親。而地不為德矣。公曰。善。於是重魯之幣。毋比諸侯。厚其禮。毋比賓客。君子於魯。而後明行。結法廉辭地之。可為重名也。

識語在可  
解不可解  
之間二說  
未為定論

公遊於紀。得金緘。發視之。中有月書。曰。食魚無反。勿乘駑馬。公曰。善哉。知若言。食魚無反。則

惡其躁也。勿乘駑馬。惡其取道不遠也。晏子對曰。不然。食魚無反。毋盡民力乎。勿乘駑馬。則無置不肖於側乎。公曰。紀有書。何以亡也。晏子對曰。有以亡也。嬰聞之。君子有道。懸之間。紀有此言。注之。緘不亡。何待乎。

魯昭公棄國走齊。齊公問焉。曰。君何年之少而棄國之蚤。奚道至於此乎。昭公對曰。吾少之時。人多愛我者。吾體不能親。人多諫我者。吾

悔悛之言  
不仲非不  
取也特咎  
其悔之不  
登耳

志不能用。是則內無拂而外無輔。輔拂無一人。諂諛我者甚衆。譬之猶秋蓬也。孤其根而美枝葉。秋風一至。根且拔矣。景公辯其言以語晏子曰。使是人反其國。豈不爲古之賢君乎。晏子對曰。不然。夫愚者多悔。不肖者自賢。溺者不問墜。迷者不問路。溺而後問墜。迷而後問路。譬之猶臨難而遽鑄兵。噎而遽掘井。雖速亦無及已。



晏子使魯仲尼命門弟子往觀子貢反報曰孰謂晏子習于禮乎夫禮曰登階不歷堂上不趨授玉不跪今晏子皆反此孰謂晏子習于禮者晏子既已有事于魯君退見仲尼仲尼曰夫禮登階不歷堂上不趨授玉不跪夫子反此乎晏子曰嬰聞兩楹之間君臣有位焉君行其一臣行其二君之來邀是以登階歷堂上趨以及位也君授玉卑故跪以下之且吾聞之大者不踰閑小者出入可也晏子出仲尼送之以賓客之禮不計之義維晏子爲能行之

晏子之魯朝食進餽膳有豚焉晏子曰去其二肩晝者進膳則豚肩不具侍者曰膳豚肩亡晏子曰釋之矣侍者曰我能得其人晏子曰止吾聞之量功而不量力則民盡藏餘不分則民盜子教我所以改之無教我求其人也

意禮多見  
荀子勸學  
篇大都慎  
之一字是  
其綱領

曾子將行，晏子送之，曰：「君子贈人以軒，不若以言。吾請以言之。」以軒乎？曾子曰：「請以言。」晏子曰：「今夫車輪山之直木也，良匠揉之，其圓中規，雖有槁暴，不復羸矣。故君子慎隱揉，和氏之璧，井里之困也，良工修之，則為存國之寶。故君子慎所修。今夫蘭本三年而成，湛之苦酒，則君子不近，庶人不佩，湛之糜醢，而賈匹馬矣。非蘭本美也，所湛然也。願子之必求所

章○法○

章○法○

湛。嬰聞之，君子居必擇居，游必就士，擇居所以求士，求士所以辟患也。嬰聞汨常移質，習俗移性，不可不慎也。

晏子之晉，至中牟，睹弊冠反裘，負芻息於塗側者，以為君子也，使人問焉，曰：「子何為者也？」對曰：「我越石父者也。」晏子曰：「何為至此？」曰：「吾為人臣僕於中牟，見使將歸，晏子曰：「何為之僕？」對曰：「不免凍餓之切，吾身是以為僕也。」晏子

詳於史

諺云士為  
知己者死  
知之而猶  
未中之于  
古豪傑每  
以此

曰為僕幾何對曰三年矣晏子曰可得贖乎  
對曰可遂解左驂以贈之因載而與之俱歸  
至舍不辭而入越石父怒而請絕晏子使人  
應之曰吾未嘗得交夫子也子為僕三年吾  
迺今日睹而贖之吾於子尚未可乎子何絕  
我之暴也越石父對之曰臣聞之士者詘乎  
不知已而申乎知已故君子不以功輕人之  
身不為彼功詘身之理吾三年為人臣僕而

充類至  
六責備賢  
者之意

莫吾知也今子贖我吾以子為知我矣嚮者  
子乘不我辭也吾以子為忘今又不辭而入  
是與臣我者同矣我猶且為臣請鬻於世晏  
子出見之曰嚮者見客之容而今也見客之  
意嬰聞之省行者不引其過察實者不譏其  
辭嬰可以辭而無棄乎嬰誠革之迺令糞灑  
改席尊醮而禮之越石父曰吾聞之至恭不  
脩途尊禮不受擯夫子禮之僕不敢當也晏

子遂以爲上客。君子曰：俗人之有功，則德德則驕。晏子有功，免人于厄，而反詘下之。其去俗亦遠矣。此全功之道也。

鋪張奇事  
不煩言而  
如觀

晏子爲齊相，出其御之妻，從門間而闕其夫，爲相御，擁大蓋，策駟馬，意氣揚揚，甚自得也。既而歸，其妻請去。夫問其故，妻曰：晏子長不滿六尺，身相齊國，名顯諸侯。今者妾觀其出，志念深矣，常有以自下者。今子長八尺，廼爲人

僕御，然子之意，自以爲足。妾是以求去也。其後自抑損，晏子恠而問之，御以實對。晏子薦以爲大夫。

燕之游士有泚子午者，南見晏子於齊，言有文章，術有條理，巨可以補國，細可以益晏子者，三百篇。睹晏子，恐慎而不能言。晏子假之以悲色，開之以禮，頽然後能盡其復也。客退，晏子直席而坐，廢朝移時在側者曰：嚮者燕客

憐才

至志

侍夫子胡為憂也。晏子曰：燕萬乘之國也。齊千里之塗也。泯子午以萬乘之國為不足，說以千里之塗為不足，遠則是千萬人之上也。且猶不能殫其言於我，况乎齊人之懷善而歿者乎。吾所以不得睹者，豈不多矣。然吾失此何之有也。

齊有北部騷者，結果罔捆蒲葦織履以養其母。伏○後○案○猶不足，踵門見晏子曰：竊說先生之義，願乞

所以養母者。晏子使人分倉粟府金而遺之。辭金受粟，有間。晏子見疑于景公，出犇過北郭騷之門而辭。北郭騷沐浴而見晏子曰：夫子將焉適？晏子曰：見疑于齊君，將出犇。北郭騷曰：夫子勉之矣。晏子上車太息而歎曰：嬰之亡，豈不宜哉？亦不知士甚矣。晏子行，北郭子召其友而告之曰：吾說晏子之義，而嘗乞所以養母者焉。吾聞之，養其親者，身伉其難。

韓國趙國  
吳宮燕市  
之流往  
以輕生重  
在彼蓋有  
所為也此  
郭子之與  
友之死其  
亦有所為  
者歟

今晏子見疑吾將以身死白之著衣冠令其友操劍奉而從造于君庭求復者曰晏子天下之賢者也今去齊國齊必侵矣方見國之必侵不若死請以頭託白晏子也因謂其友曰盛吾頭于笥中奉以退託而自刎其友因奉託而謂復者曰此北郭子為國故死吾將為北郭子死又退而自刎景公聞之大駭乘駟而自追晏子及之國郊請而反之晏子不

得已而反聞北郭子之以死白已也大息而歎曰嬰之亡豈不宜哉亦愈不知士甚矣

景公謂晏子曰吾聞高紉與夫子遊寡人請見之晏子對曰臣聞之為地戰者不能成其王為祿仕者不能正其君高紉與嬰為兄弟久矣未嘗干嬰之行特祿仕之臣也何足以補君乎

晏子使高紉治家三年而辭焉僉者諫曰高紉之事夫子三年曾無以爵位而逐之敢請

其罪。晏子曰：若夫方立之人，維聖人而已。如嬰者，反陋之人也。若夫左嬰、右嬰之人，不舉曰維，將不正。今此子事吾三年，未嘗弼吾過也。吾是以辭之。

高糾事晏子而見逐。高糾曰：臣事夫子三年，無得而卒見逐，其說何也？晏子曰：嬰之家俗有三，而子無一焉。糾曰：可得聞乎？晏子曰：嬰之家俗有：一、家俗間處從容，不談議，則疏；出不相揚美，入不相削行，則不與通。國事無論，驕士慢知者，則不朝也。此三者，嬰之家俗。今子無一焉。

三者無一  
何貴於友

故嬰非特食餽之長也。

晏子居晏相子之喪，麤衰，斬苴，經帶，杖菅履，食粥，居倚廬，寢苦枕草。其家老曰：非大夫喪父之禮也。晏子曰：唯。卿爲大夫，曾子以聞孔子。孔子曰：晏子可謂能遠害矣。不以已之是，駁人之非，遜辭以避咎，義也夫。

官中好廣眉  
四方長半額  
官中好大袖  
四方長更帛  
上有好者下  
必甚內不服  
外莫為是快  
論

晏子春秋卷六

雜下

靈公好婦人而丈夫飾者國人盡服之公使吏  
禁之曰女子而男子飾者裂其衣斷其帶裂  
衣斷帶相望而不止晏子見公問曰寡人使  
吏禁女子而男子飾裂斷其衣帶相望而不  
止者何也晏子對曰君使服之於內而禁之  
於外猶懸牛首于門而賣馬肉于內也公何



身先造教  
民之本此  
節補上意  
之所不盡

公嘗伐宋過  
泰山夢二丈  
夫立而怒占  
者為泰山之  
神晏子識之  
曰宋之先傷  
與伊尹也其  
言確而可據  
茲言五丈夫  
之丘其事寔  
而可憑

以不使內不服則外莫敢為也公曰善使內  
勿服踰月而國莫之服

齊人甚好轂擊相犯以為樂禁之不止晏子患  
之廼為新車良馬出與人相犯也曰擊轂者  
不祥臣其祭祀不順居處不敬乎下車而棄  
去之然後國人乃不為故曰禁之以制而身  
不先行民不能止故化其心莫若教也

景公畋於梧丘夜猶早公姑坐睡而夢有五丈

夫北面韋廬稱無罪焉公覺召晏子而告其  
所夢公曰我其嘗殺不辜誅無罪耶晏子對  
曰昔者先君靈公畋五丈夫罟而駭獸故殺  
之斷其頭而葬之命曰五丈夫之丘此其地  
耶公令人掘而求之則五頭同穴而存焉公  
曰嘻令吏葬之國人不知其夢也曰君憫白  
骨而况於生者乎不遺餘力矣不釋餘知矣  
故曰君子之為善易矣

夜用事三  
字曲考  
魁

景公爲路寢之臺成而不踊焉。栢常騫曰：君爲臺甚急，臺成君何爲而不踊焉？公曰：然，有臬昔者鳴聲無不爲也，吾惡之甚，是以不踊焉。栢常騫曰：臣請禱而去。公曰：何具？對曰：築新室爲置白茅，公使爲室成置白茅焉。栢常騫夜用事，明日問公曰：今昔聞鴉聲乎？公曰：一鳴而不復聞，使人往視之，鴉當陞布翌伏地而歿。公曰：子之道若此，其明亦能益寡人之

伏後  
案

壽乎？對曰：能。公曰：能益幾何？對曰：天子九諸侯七，大夫五，公曰：子亦有徵兆之見乎？對曰：得壽地，且動，公喜，令百官趨具，騫之所求，栢常騫出，遭晏子于塗，拜馬前，騫辭曰：爲禳君，鷄而殺之。君謂騫曰：子之道若此，其明也，亦能益寡人壽乎？騫曰：能。今且大祭，爲君請壽，故將往，以聞。晏子曰：嘻，亦善，能爲君請壽也。雖然，吾聞之，維以政與德而順乎神，爲可以

應前

忠臣不必傷  
人破邪只在  
明理較其處  
逆臣更勝

益壽今徒祭可以益壽乎然則福兆有見乎  
對曰得壽地將動晏子曰騫昔吾見維星絕  
樞星散地其動汝以是乎栢常騫俯有間抑  
而對曰然晏子曰為之無益不為無損也汝  
薄歛毋費民且無令君知之

景公問太卜曰汝之道何能對曰臣能動地  
公召晏子而告之曰寡人問太卜曰汝之道  
何能對曰能動地地可動乎晏子默然不對  
出見太卜曰昔吾見鈞星在曰心之間地其  
動乎太卜曰然晏子曰吾言之恐子死之也  
默然不對恐君之惶也子言君臣俱得焉忠

巧甚

於君者豈必傷人哉晏子出太卜走入見公  
曰臣非能動地地剛將動也陳子陽聞之曰  
晏子默而不對者不欲太卜之死也往見太  
卜者恐君之惶也晏子仁人也可謂忠上而  
惠下也

景公新成栢寢之室使師開鼓琴師開左撫宮  
右彈商曰室久公曰何以知之師開對曰東  
方之聲薄四方之聲揚公召大匠曰室何為  
久大匠曰立室以宮矩為之於是召司空曰  
立宮何為久司空曰立宮以城矩為之明日

子仲譚夢  
被星譚宮  
室之制一  
一種解真  
古之臣

晏子朝公。公曰：先君太公以營丘之封立城，曷為夕？晏子對曰：古之立國者，南望南斗，北戴樞星。彼安有朝夕哉？然而以今之夕者，周之建國，國之西方以尊周也。公蹙然曰：古之臣乎？

景公病水，臥十數日，夜夢與二日鬪，不勝。晏子朝。公曰：夕者，曹與二日鬪，而寡人不勝，我其死乎？晏子對曰：請召占夢者。出於閨，使人以

卓見

車迎。占夢者至，曰：曷為見召？晏子曰：夜者，公夢二日與公鬪，不勝。公曰：寡人死乎？故請君占夢。是所為也。占夢者曰：請反其書。晏子曰：母反書。公所病者陰也。日者陽也。一陰不勝二陽，故病將已。以是對。占夢者入。公曰：寡人夢與二日鬪而不勝，寡人死乎？占夢者對曰：公之所病陰也。日者陽也。一陰不勝二陽，公病將已。居三日，公病大愈。公且賜。占夢者占

夢者曰此非臣之力。晏子教臣也。公召晏子。且賜之。晏子曰。占夢以占之言對。故有益也。使臣言之。則不信矣。此占夢之力也。臣無功焉。公兩賜之。曰。以晏子不奪人之功。以占夢者不蔽人之能。

景公病疽在背。高子國子請公曰。職當撫瘍。高子進而撫瘍。公曰。熱乎。曰。熱。熱何如。曰。如火。其色何如。曰。如未熟李。大小何如。曰。如豆。墮

者何如。曰。如屨辦。二子者出。晏子請見。公曰。寡人有病。不能勝衣冠。以出見夫子。夫子其辱視寡人乎。晏子入。呼宰人具盥。御者具巾。刷手溫之。發席傳薦。跪請撫瘍。公曰。其熱何如。曰。如日。其色何如。曰。如蒼玉。大小何如。曰。如璧。其墮者何如。曰。如珪。晏子出。公曰。吾不見君子。不知拙人之拙也。

晏子使吳。吳王謂行人曰。吾聞晏嬰蓋北方辯

于辭習于禮者也。命儻者曰客見，則稱天子。請見，明日晏子有事，行人曰：天子請見晏子。楚然，行人又曰：天子請見晏子。楚然，又曰：天子請見晏子。楚然者，三日。臣受命弊邑之君，將使於吳王之所，以不敏而迷惑入於天子之朝。敢問吳王惡乎存，然後吳王曰：夫差請見。見之以諸侯之禮。

晏子使楚，以晏子短，楚人爲小門于大門之側。

而延晏子，晏子不入，曰：使狗國者從狗門入，今臣使楚，不當從此門入。儻者更道從大門入，見楚王。王曰：齊無人耶？晏子對曰：臨淄三百間，張袂成陰，揮汗成雨，比肩繼踵而在，何爲無人？王曰：然則子何爲使乎？晏子對曰：齊命使各有所主，其賢者使使賢王，不肖者使使不肖王。嬰最不肖，故直使楚矣。

晏子將至楚楚聞之謂左右曰晏嬰齊之習辭

者也。今方來吾欲辱之，何以也？左右對曰：爲其來也，臣請縛一人過王而行。王曰：何爲者也？對曰：齊人也。王曰：何坐？曰：坐盜。王視晏子曰：王賜晏子酒，酒酣，吏二縛一人詣王。王曰：縛者曷爲者也？對曰：齊人也。坐盜。王視晏子曰：齊人固善盜乎？晏子避席對曰：嬰聞之，橘生淮南則爲橘，生于淮北則爲枳，葉徒相似，其實味不同，所以然者何？水土異也。今民生長

於齊不盜，入楚則盜，得無楚之水土使民善盜耶？王笑曰：聖人非所與嬉也。寡人反取病焉。

景公使晏子於楚，楚王進橘，置削，晏子不削而並食之。楚王曰：當去削。晏子對曰：臣聞之，賜人主前者，瓜桃不削，橘柚不削。今者萬乘無教令，臣故不敢削。不然，臣非不知也。

景公飲酒，田桓子侍，望見晏子而復於公曰：請

浮○晏○子○公○曰○何○故○也○無○宇○對○曰○晏○子○衣○緇○布○  
之○衣○麋○鹿○之○裘○棧○軫○之○車○而○駕○駑○馬○以○朝○是○  
隱○君○之○賜○也○公○曰○諾○晏○子○坐○酌○者○奉○觴○進○之○  
曰○君○命○浮○于○晏○子○曰○何○故○也○田○相○子○曰○君○賜○  
之○卿○位○以○尊○其○身○寵○之○百○萬○以○富○其○家○羣○臣○  
其○爵○故○尊○于○子○祿○莫○重○于○子○今○子○衣○緇○布○之○  
衣○麋○鹿○之○裘○棧○軫○之○車○而○駕○駑○馬○以○朝○是○則○  
隱○君○之○賜○也○故○浮○于○晏○子○避○席○曰○請○飲○而○後○

辭○乎○其○辭○而○後○飲○乎○公○曰○辭○然○後○飲○晏○子○曰○  
君○之○賜○卿○位○以○尊○其○身○嬰○非○敢○爲○顯○受○也○爲○  
行○君○令○也○寵○以○百○萬○以○富○其○家○嬰○非○敢○爲○富○  
受○也○爲○通○君○賜○也○臣○聞○古○之○賢○君○有○受○厚○賜○  
而○不○顧○其○困○族○則○過○之○臨○事○守○職○不○勝○其○任○  
則○過○之○君○之○內○隸○臣○之○父○兄○若○有○離○散○在○於○  
野○鄙○此○臣○之○罪○也○君○之○內○隸○臣○之○所○職○若○有○  
播○之○在○于○四○方○此○臣○之○罪○也○兵○革○之○不○完○戰○



與夫子  
教原憲  
用意

車之不修。此臣之罪也。若夫幣車駑馬以朝  
意者。非臣之罪乎。且臣以君之賜。父之黨無  
不乘車者。母之黨無不足于衣食者。妻之黨  
無凍餒者。國之閒士待臣而後舉火者。數百  
家。如此者。為彰君賜乎。為隱君賜乎。公曰。善  
為我浮無字也。

田栢子見晏子獨立于墻陰。曰。子何為獨立而  
不憂。何不求四鄉之學士。可者而與坐。晏子

論擇交處  
離齋鋪張  
絕不犯手

曰。共立似君子。出言而非也。嬰惡得學士之  
可者而與之坐。且君子之難得也。若美山然。  
名山既多矣。松柏既茂矣。望之相。相然。盡日  
力不知厭。而世有所美焉。因欲登彼相相之  
上。仡仡然不知厭。小人者與此異。若部婁之  
未登。善登之無蹊。維有楚棘而已。遠望無見  
也。俛就則傷。嬰惡能無獨立焉。且人何憂靜  
處。遠慮見歲若月。學問不厭。不知老之將至。

安用從酒雜字田栢子曰何謂從酒晏子曰無客而飲謂之從酒今若子者晝夜守尊謂之從酒也

欒氏高氏欲逐田氏鮑氏田氏鮑氏先知而遂攻之高彊曰先得君田鮑安往遂攻虎門二家召晏子晏子無所從也從者曰何爲不助田鮑晏子曰何善焉其助之也何爲不助欒高曰庸愈於彼乎門開公召而入欒高不勝

深明制亂之本善以讓也

而出田栢子欲分其家以告晏子晏子曰不可君不能飭法而羣臣專制亂之本也今又欲分其家利其貨是非制也子必致之公且嬰聞之禁者政之本也讓者德之主也欒高不讓以至此禍可毋慎乎廉之謂公正讓之謂保德凡有血氣者皆有爭心怨利生孽維義可以爲長存且分爭者不勝其禍辭讓者不失其福子必勿取栢子曰善盡致之公而

請老于劇。

慶氏亡，分其邑與晏子，邺殿其鄙六十。晏子弗

受。子尾曰：富者人之所欲也，何獨勿欲？晏子

對曰：慶氏之邑足欲，故亡吾邑不足欲也。益

之以邺殿，適足欲，足欲亡無日矣。在外不得

宰吾一邑，不受邺殿，非惡富也，恐失富也。且

夫富如布帛之有幅焉，為之制度，使無遷也。

夫生厚而用利，于是乎正德以幅之，使無黜

慢，謂之幅利。利過則為敗，吾不敢貪多，所謂

幅也。

景公祿晏子以平陰與橐邑，反市者十一社。晏

子辭曰：吾君好治宮室，民之力弊矣。又好盤

游翫，好以飭女子，民之財竭矣。又好興師，民

之歎近矣。弊其力，竭其財，近其歎，下之疾其

上甚矣。此嬰之所為不敢受也。公曰：是則可

矣。雖然，君子獨不欲富與貴乎？晏子曰：嬰聞

知是不辱  
晏子之謂  
歟

危言說論  
轉，不窮

一轉

爲人臣者。先君後身。安國而度家。宗君而處身。曷爲獨不欲富與貴也。公曰然。則曷以祿夫子。晏子對曰。君商漁鹽關市譏而不征。耕者十取一焉。弛刑罰。若死者刑。若刑者罰。若罰者免。若此三言者。嬰之祿君之利也。公曰此三言者寡人無事焉。請以從夫子。公旣行若三言。使人問大國大國之君曰齊安矣。使人問小國小國之君曰齊不我加矣。

晏子相齊三年。政平民說。梁丘據見晏子中食而肉不足。以告景公。旦日割地將封晏子。晏子辭不受。曰富而不驕者未嘗聞之。貧而不恨者嬰是也。所以貧而不恨者以善爲師也。今封易嬰之師。師已輕。封已重矣。請辭。晏子方食。景公使使者至。分食。食之。使者不飽。晏子亦不飽。使者反言之。公公曰嘻。晏子之家若是其貧也。寡人不知。是寡人之過也。使

三不為是  
辭之旨

吏致千金與市租請以奉賓客晏子辭三致  
之終再拜而辭曰嬰之家不貧以君之賜澤  
覆三族延及交游以振百姓君之賜也厚矣  
嬰之家不貧也嬰聞之夫厚取之君而施之  
民是臣代君君君民也忠臣不為也厚取之君  
而不施於民是為筐篋之藏也仁人不為也  
進取于君退得罪于士身歿而財遷於他人  
是為宰藏也智者不為也夫十總之布一豆

之食足於中免矣景公謂晏子曰昔吾先君  
桓公以書社五百封管仲不辭而受子辭之  
何也晏子曰嬰聞之聖人千慮必有一失愚  
人千慮必有一得意者管仲之失而嬰之得  
者耶故再拜而不敢受命

晏子相齊衣十升之布脫粟之食五卵苔菜而  
已左右以告公公為之封邑使田無宇致臺  
與無鹽晏子對曰昔吾先君太公受之營丘

傳祿乎仲暑  
不張蓋食不  
重味衣不饜  
裘豚肩不掩  
豆其儉以立  
身節以治國

至矣抑其學  
本墨氏故也

為地五百里，為世國長。自太公至於公之身，有數十公矣。苟能說其君以取邑，不至公之身，趣齊搏以求升土，不得容足而寓焉。嬰聞之，臣有德益祿，無德退祿。惡有不肖父為不肖子為封邑，以敗其君之政者乎？遂不受。

景公謂晏子曰：昔吾先君桓公，予管仲狐與穀，其縣十七，著之于帛，申之以策，通之諸侯，以為其子孫賞邑。寡人不足以辱而先君，今為夫子賞邑，通之子孫。晏子辭曰：昔聖王論功而賞賢，賢者得之，不肖者失之。御德修禮，無有荒怠。今事君而免于罪者，其子孫奚宜

與焉？若為齊國大夫者，必有賞邑，則齊君何以共其祀？稷與諸侯幣帛，嬰請辭，遂不受。

景公賜晏子邑，晏子辭。田桓子謂晏子曰：君歡然與子邑，必不受，以恨君，何也？晏子對曰：嬰聞之，節受于上者，寵長于君；儉居處者，名廣於外。夫長寵廣名，君子之事也。嬰獨庸能已乎？

景公欲更晏子之宅，曰：子之宅近市，湫隘囂塵，不可以居。請更諸爽塏者。晏子辭曰：君之先

自愛

叔詞妙以  
隱規

臣容焉。臣不足以嗣之。於臣侈矣。且小人近市。朝夕得所求。小人之利也。敢煩里旅。公笑曰。子近市。識貴賤乎。對曰。既竊利之。敢不識乎。公曰。何貴何賤。是時也。公繫于刑。有鬻踊者。故對曰。踊貴而屨賤。公愀然改容。公爲是省于刑。君子曰。仁人之言。其利博哉。晏子一言而齊侯省刑。詩曰。君子如祉。亂無遘已。其是之謂乎。

晏子使晉。景公更其宅。反則成矣。既拜。廼毀之。而爲里室。皆如其舊。則使宅人反之。且諺曰。非宅是卜。維隣是卜。二三子先卜隣矣。違卜不祥。君子不犯非禮。小人不犯不祥。古之制也。吾敢違諸乎。卒復其舊宅。公弗許。因陳桓子以請。廼許之。

景公謂晏子曰。寡人欲朝夕見爲夫子。築室於閨內。可乎。晏子對曰。臣聞之。隱而顯。近而結。

維至賢耳。如臣者，飾其容止以待承令，猶恐罪戾也。今君近之，是遠之也。請辭。

景公有愛女，請嫁于晏子。公廼往燕晏子之家，飲酒酣，公見其妻曰：「此子之內子耶？」晏子對曰：「然是也。」公曰：「嘻，亦老且惡矣。」寡人有女，少且姣，請以滿夫子之宮。晏子違席而對曰：「乃此則老且惡，嬰與之居故矣。故及其少而姣也。且人固以壯託乎老，姣託乎惡。彼嘗託而

不負託即  
不下堂之  
論

嬰受之矣。君雖有賜，可以使嬰倍其託乎，再拜而辭。

晏子朝，乘弊車，駕駑馬。景公見之，曰：「嘻，夫子之祿寡耶？何乘不任之甚也？」晏子對曰：「賴君之賜，得以壽三族及國游士，皆得生焉。臣得暖衣飽食，弊車駑馬以奉其身，於臣足矣。」晏子出，公使梁丘據遺之輅車乘馬，三返不受。公不悅，趣召晏子。晏子至，公曰：「夫子不受，寡人

意再見



亦不乘。晏子對曰：君使臣臨百官之吏，臣節其衣服飲食之養，以先國之民，然猶恐其侈靡而不顧其行也。今輅車乘馬，君乘之上，而臣亦乘之下，民之無義，侈其衣服飲食而不顧其行者，臣無以禁之，遂讓不受。

景公賜晏子狐之白裘，玄豹之菀，其貲千金。使梁丘據致之，晏子辭而不受。三反，公曰：寡人有此二將，欲服之，今夫子不受，寡人不敢服，與其閉藏之，豈如弊之身乎？晏子曰：君就賜，使嬰修百官之政，君服之上，而使嬰服之于下，不可以爲教，固辭而不受。

晏子相景公，食脫粟之食，炙三弋，五卵，苔菜耳矣。公聞之，往燕焉。睹晏子之食也，公曰：嘻！夫子之家如此，其貧乎？而寡人不知，寡人之罪也。晏子對曰：以世之不足也，免粟之食，飽士之二乞也，炙三弋，士之二乞也，五卵，士之三乞也。嬰無倍人之行，而有參士之食，君之賜厚矣。嬰之家不貧，再拜而謝。

梁丘據謂晏子曰：吾至死不及夫子矣。晏子曰：

嬰聞之爲者常成行者常至嬰非有異于人  
也常爲而不置常行而不休者故難及也

晏子相景公老辭邑公曰自吾先君定公至今  
用世多矣齊大夫未有老辭邑者矣今夫子  
獨辭之是毀國之故棄寡人也不可晏子對  
曰嬰聞古之事君者稱身而食德厚而受祿  
德薄則辭祿德厚受祿所以明上也德薄辭  
祿可以潔下也嬰老薄無能而厚受祿是掩

章法

再見

上之明汚下之行不可公不許曰昔吾先君  
桓公有管仲恤勞齊國身老賞之以三歸澤  
及子孫今夫子亦相寡人欲爲夫子三歸澤  
至子孫豈不可哉對曰昔者管子事桓公桓  
公義高諸侯德備百姓今嬰事君也國僅齊  
於諸侯怨積乎百姓嬰之罪多矣而君欲賞  
之豈以其不肖父其不肖子厚受賞以傷國  
民義哉且夫德薄而祿厚智昏而家富是彰

汚而逆教也。不可。公不許。晏子出，異日朝，得間而入邑，致車一乘而後止。

晏子病將死，其妻曰：「夫子無欲言乎？」子曰：「吾恐死而俗變，謹視爾家毋變爾俗也。」

晏子病將死，鑿楹納書焉，謂其妻曰：「楹語也。子壯而示之，及壯發書之言曰：『布帛不可窮，窮不可飾，牛馬不可窮，窮不可服，士不可窮，窮不可任。』國不可窮，窮不可竊也。」

晏子春秋

外篇

仲尼之齊，見景公，景公說之，欲封之，以爾稽，以告晏子。晏子對曰：「不可。彼浩裾自順，不可以教下，好樂緩於民，不可使親治，立命而建事，不可守職，厚葬破民，貧國久喪，道哀費日，不可使子民行之難者在內，而傳者無其外，故異于服，勉于容，不可以道衆而馴百姓，自大賢之滅，周室之卑也，威儀加多，而民行滋薄，聲樂繁充，而世德滋衰，今孔丘盛聲樂以侈世，飾弦歌鼓舞以聚徒，繁登降之禮，趨翔之節，以觀衆，傳學不可以儀世，勞思不可以補民，兼壽不能殫其教，當年不能究其禮，積財不能瞻其樂，繁飾邪術以營世君，盛爲聲樂。」

晏子與齊向論齊晉事，歷歷不爽，髮豈於孔子及不知之抑晏子學墨也，墨之治喪以薄，為道故以厚，葬父喪於仲左而後遂，轉刺膠不匝，好事者之過矣。

以淫愚其民也，不可以示其教也，不可以導民。今欲封之以移齊國之俗，非所以導衆存民也。公曰：善。于是厚其禮而畱其敬，見不問其道。仲尼廼行。

景公上路寢，聞哭聲，曰：吾若聞哭聲，何爲者也？梁丘據對曰：魯孔丘之徒，鞠語者也。明於禮樂，審於服喪，其母歿，葬埋甚厚，服喪三年，哭泣甚疾。公曰：豈不可哉？而色悅之。晏子曰：古者聖人，非不知能繁登降之禮制，規矩之節，行表綴之數，以教民，以爲煩人，畱日故制禮，不羨於便事，亦不知能揚于戒，鐘鼓等瑟，以勸衆也。以爲費財，畱工故制樂，不羨于和民，非不知能累世殫國以奉歿，哭泣處哀，以持以也。而不爲者，知其無補歿者，而深害生者，故不以導民。今品人飾禮煩事，羨樂淫民，崇歿以害生。三者聖王之所禁也。賢人不用德。

毀俗流故，三邪得行于世，是非賢不肖，雜上妄說邪，故好惡不足以導衆。此三者，路世之政，單事之教也。公曷爲不察聲受而色悅之？仲尼游齊，見景公。景公曰：先生奚不見寡人宰乎？仲尼對曰：臣聞晏子事三君而得順焉，是有三心，所以不見也。仲尼出，景公以其言告晏子。晏子對曰：不然。嬰爲三心，三君爲一心，故三君皆欲其國之安，是以嬰得順也。嬰聞之，是而非之，非而是之，猶非也。孔丘必據處此一心矣。

仲尼之齊，見景公而不見晏子。子貢曰：見君不見其從政者，可乎？仲尼曰：吾聞晏子事三君而順焉，吾疑其爲人。晏子聞之，曰：嬰則齊之世民也，不維其行，不識其過，不能自立也。嬰聞之，有幸見愛，無幸見惡，誹譽爲類，聲響相應，見行而從之者也。嬰聞之，以一心事三君。

者所以順焉。以三心事一君者，不順焉。今未見嬰之行而非其順也。嬰聞之，君子獨立不慙于影，獨寢不慙于鬼。孔子拔樹削跡，不自以為辱，窮陳蔡，不自以為約，非人不得其故。是猶澤人之非斤斧，山人之非網罟也。出之其口，不知其困也。始吾望傳而貴之，今吾望傳而疑之。仲尼聞之，曰：「語有之。」言發於爾，不可止於遠也。行存於身，不可掩於衆也。吾竊議：「晏子而不中，夫人之過，吾罪幾矣。」丘聞君子過人，以為友，不及人，以為師。今丘失言於夫子，譏之，是吾師也。因宰我而謝焉。然仲尼見之。

景公出田，寒，故以為渾，猶顧而問。晏子曰：「若人之衆，則有孔子焉乎？」晏子對曰：「有孔子焉，則無有若舜焉，則嬰不識。」公曰：「孔子之不逮舜，為間矣。曷為有孔子焉，則無有若舜焉，則嬰不識？」晏子對曰：「是廼孔子之所以不逮舜。孔子行一節者也。處民之中，其過之識，况乎處君之中乎？舜者處民之中，則自齊乎士；處君子之中，則齊乎君子。上與聖人，則固聖人之林也。此廼孔子之所以不逮舜也。」

仲尼相魯，景公患之，謂晏子曰：「隣國有聖人，敵國之憂也。今孔子相魯，若何？」晏子對曰：「君其勿憂。被魯君弱主也。孔子聖相也。君不如陰重孔子，設以相齊。孔子強諫而不聽，必驕魯而有齊。君勿納也。夫絕於魯，無主于齊，孔子困矣。居莒年，孔子去魯之齊，景公不納，故困於陳蔡之間。」

景公問晏子曰：「天下有極大乎？」晏子對曰：「有足游浮雲，背凌蒼天，尾偃天間，躍啄北海，頸尾咳於天地乎？然而漻漻不知六翮之所在。公曰：「天下有極細乎？」晏子對曰：「有，東海有蠱巢。」

於蟲睫再乳再飛而蟲不為驚臣嬰不知其名而東海漁者命曰焦冥

莊公闔門而圖莒國人以為有亂也皆操長兵而立於間公召睢休相而問曰寡人闔門而圖莒國人以為有亂皆操長兵而立於衢間柰何休相對曰誠無亂而國以為有則仁人不存請令于國言晏子之在也公曰諾以令于國孰謂國有亂者晏子在焉然後皆散兵而歸君子曰夫行不可不務也晏子存而民心安此非一日之所為也所以見于前信于後者是以晏子立人臣之位而安萬民之心景公游於菑聞晏子死公乘後輿服繁駟驅之而因為遲下車而趨知不若車之速則又乘比至於國者四下而趨不哭而往伏尸而號曰子大夫日夜責寡人不遺尺寸寡人猶且淫泆而不收怨罪重積于百姓今天降禍于

齊不加于寡人而加于夫子齊國之社稷危矣百姓將誰告夫晏子死景公操玉加于晏子而哭之涕沾襟章子諫曰非禮也公曰安用禮乎昔者吾與夫子遊于公邑之上一日而三不聽寡人今其孰能然乎吾失夫子則亡何禮之有免而哭哀盡而去

Large stylized seal script characters, likely a library or collection stamp, possibly reading '上海图书馆藏' (Shanghai Library Collection).

Rectangular seal impression in seal script, likely a personal or institutional seal.

Rectangular seal impression in seal script, likely a personal or institutional seal.

